

新淦縣志卷二十五

仙釋 目錄十八名補遺二名

孔邱明 黃仙姑 李仙女 應真禪師 謝修通

空寂大師 釋隱微 蕭伯軒 蕭叔祥 釋智

蕭天任 蕭九將軍 鄧舍人 釋竹峯 淨洪

釋心月 釋彌玉 釋達 補遺釋普吉 釋大慧



新淦縣志卷二十五

仙釋

老莊未退而金仙示形道德五千與宗門五派並行
慕清修者所口芬也淦之神異顯靈仙如蕭侯之祖
父釋如應真之師徒彼可傳家此堪付法殆與江西
馬駒廣信龍虎後先輝映焉作仙釋志



孔邱明秦時與駱法通等十人避亂玉笥山中修煉有
素服老人持銅鉢貯小魚十尾授之曰此魚宜善視遂
於洞天後鑿池畜之後人呼爲畜龍池九真得道九龍

控馭上昇惟何紫霄漫遊不與帝命青衣童子齋紫衣
玉册召之紫霄受衣與册隱居山洞為地仙何君洞由
此名或曰紫霄姓鄧故山谷詩云惟有鄧公畱不去

志

釋普吉釋大慧杲公華光寺開堂示寂祖師

傳燈錄

黃仙姑仁覽之妹也吳猛葬母於臨江軍之新淦縣石
壁峭立有仙墓仙井仙壇在焉仁覽兄妹皆在會葬仙
姑雅愛其地山水依吳母墓修行煉丹後白日飛昇畱
丹石一片石受丹火歲久不冷每提瓶水其上不火自

湯名為沸石泉井至今存焉四方水旱疾疫祈禱輒應

真仙通鑒

李仙女李氏女也乾符間邑人李姓者興義兵禦黃巢
賊占云新淦有神人生紫氣不可犯也遂去之後李氏
以是年生女竟得道昇仙去鄉人為立廟於峯頂今淦
有仙女峯即暮山以此名

舊志

應真禪師淦南耽源寺名僧唐肅宗皇帝問忠國師曰
百年後所須何物師曰要造一所無縫塔帝曰塔樣何
如師因閉目展兩手曰會麼帝曰不會師曰吾有付法

弟子名應真現在吉州新淦耽源可往問他及駕至述
前言應真曰湘之南潭之北中有黃金克一國無影樹
下合同船琉璃殿上無知識帝始悟卽立碑旌嘉勅建
寶安寺今碑在寺後應真師圓寂先三日囑其徒買大
缸師坐其中山開地裂缸自旋入土常有天燈垂下照
其塔塔亦常自放光宋末土賊疑其有寶及掘開面貌
如生今塔現在寺後左旁

五燈會元

謝修通玉笥山道士居此四十年後遇人引行見宅基
遂結庵居之長慶初入都木坑見一宅重扉須臾有青
衣童子招修通入見一人紫綬峩冠珮劔立堂之左一
人碧綬素簡立堂之右童子曰左者蕭君右者梅君卽
梅福也

太平御覽

空寂大師名道振東山寺僧也以宋開寶己巳始來住
山嘗苦足疾忽有二道士來謁詞貌不凡因授方名白
虎丸使修合之曰不惟愈疾且可濟衆明年郡城多風
疾求服輒效一歲中得錢數萬因爲神立廟今東山有
孚惠廟是也師旣道行精卓聞於京師太宗親製問禮
歌二章賜之號空寂大師九十卒

舊志

釋隱微新淦人俗姓楊七歲詣本邑石頭院道堅禪師
爲弟子徧尋名嶽由五嶺住錫吉水大平里龍華寺保
大九年賜奉先禪院用邇皇居辛酉建國於洪師首預
清列復住大寧禪寺年七十六滅度諡元寂歸葬吉水
仁壽鄉太平里唐中書侍郎光政殿學士韓熙載撰塔
碑吉水志

蕭伯軒其先開封祥符人隨父宦吉州訪道臨江謝真
人愛新淦山水而家大洋洲不事生產晚有神識事皆
前知元大德十年坐化鄉祀爲水神至大二年封五湖

顯應真人子祥叔

舊志

蕭叔祥伯軒長子增修父道更復神異每於洪濤溇瀉
崩雲屑雨中顯其靈常游湖南木筏膠於沙公咄咤水
溢後大浮過洞庭颶風四起雄浪拍天公出神半空以
衣袂壓水面少頃波恬衆舟尾其後而進元至正五年
伯顏南征歸奏公神德廣詔封爲永寧神化普濟顯德
舍人九年卒合祀於伯軒廟迄明洪武初金陵鼎建宮
殿庀材楚閩榱桷杞梓蔽江而下石尤倏起運卒顛危
公現身雲中高濤頓息木南下運官以聞明祖遣官特

祭恩禮尤隆子天任

舊志

釋智新淦百華寺僧弱冠棄家克意浮圖之學清苦堅忍同門之士莫不畏服常寶藏十二尊者圖以爲戒生定定生慧人之一心譬如明鏡止水苟無纖塵之蝕則事物之去留起伏逆來順往旁見側出舉不外吾照燭之內是是非非無所施而不可是殆深知所戒而定與慧無難致者矣

玉屑集

蕭天任叔祥仲子也生而廣穎修髯迥軼常流似有夙慧凡經史百家一寓目靡不淹貫不受世驅蕭然物外

踵祖父之武爲湖海遊壯年以後吉凶皆預知每瞑目出救江湖舟楫之險醒而菽粟之類往往指掌間詰之則曰此覆舟物也里巷戚朋同日招飲分形化身無不與有樂巴冷謙之風焉永樂三年冬端坐越旬休糧絕食後啖白石而化年八十有二遺令覆以巨桶藏廟左廡化後神異愈著十七年朝使下西洋顛倒天吳九首更笑登怒神屢掖之文皇封爲英佑侯正統十四年睿皇北狩燕齊蠢動會神舟艤臨官民乞靈侯降神凡有虛驚雷鼓響依舊老江山之句軍民始帖席亡潰志上

皇南歸鐘簷不移江山如故神乩驗矣景泰三年武岡靖州苗亂神復降乩言苗款在卽遣其裔孫蕭鳴祠祝王灝輸香錢二百金餉兵未幾苗果就撫四年楚撫李請加封號靈通廣濟顯應成化二十年御製祭文詔新淦牲醴致祭萬歷三十七年己酉夏疫疹大作禱侯祠挹江水乞神方藥注水治疾所完活甚衆廟隄毀悉新之

邱大史記

蕭九將軍名彥昂行九淦西白馬人洪武辛巳以才武授百戶隨征有功丁亥歸卒於家顯神靈凡江湖舟楫水旱疾疫祈叩立應永樂初現身護國敕封蕭九將軍子惟同字洞元承父功德喜利濟救人卒亦多神異景泰癸酉護國封爲神通利濟舍人支裔亦復蕃衍並祀本里廟祀明末兵燬康熙十一年邑令董謙吉鼎建視昔加赫前邑令胡之琳得神報異夢題額惠澤通流

舊

志

鄧舍人名學耕係桃溪派邑水西城門口人後遷邑城西門生而靈異及長耿介正直鄉邑不平事每就質咸服其公尤卹貧樂施正統間一日起中堂忽迎拜若有

所見云上帝敕封爲水府舍人遂沐浴卒後神屢降於鄉鄉之人咸敬信因刻像祀之本境監軍廟水旱疾疫有求輒應耕卒時年三十元配黃氏年纔二十六卽矢志靡他獨居十九年撫育二孤堅貞純潔婦節斬斬邑進士刑部給事中黃仁山知其狀爲之序今支庶益蕃盛

舊志

釋竹峯新淦百華寺僧洪武十六年開設僧錄司掌天下釋教事曰善世曰闡教曰講經曰覺義左右各一員府設僧綱司都綱目副州設僧正司僧正縣設僧會司

僧會竹峯入京請度牒南歸練子寧在朝贈以詩云緇衣素識龍鸞氣墨板新承雨露香

明詩綜

淨洪新淦儒家子年十三徧叅知識密受心印至雩都龍口獨肩一蒲團夜坐羣虎狴至叱之虎遁去遂結茅焉一夕召衆至前豎拂曰一領破衲衣畱與易善換僧問故師日時到便來沙桶自開沙歸大海坐我蓮臺言訖趺坐而逝時正德七年也徒如其言以沙桶封之後三年一人過庵中拜師舊方丈忽有聲如雷沙桶自開顏色如生爪髮再長僧衆訝之問其姓名曰易善具告

以故善述以金漆聖飾之歷今法身猶存

贛州府志

釋蘭室新塗新修寺僧性愛藏書所居僅盈丈顏其室曰蘭室書堂喜與賢士大夫遊早悟無生超然塵纓之外其徒亦湯惠休之流金篋刮眼心跡雙清蘭室示寂人逝室存邑之老宿過其門者殷勤洽款宛有平生香

積羹飯欲別仍畱

東臯集

釋心月新塗大和寺僧俗姓張氏與宋一俊結方外交談經說偈解脫空山後一俊宦歸行經大和寺感念存沒賦詩弔之云躡屐步山阿空門寄大和行僧開偈少

鳴鳥到春多畫壁生苔蘚斷碑長薜蘿夕陽紅影裏回

首一悲歌

冰壺集

釋彌玉新塗玉峽靈安寺僧精修苦行克揚宗風勤力才智得勝地於四顧臺下都督金剛諸峯舒奇獻秀環列左右石牛嶺蜿蜒奔放轟乎其後夷荆辟土創法堂其祖師深省堅公舊王百華寺特迎致之奉養備至又不以其能自足間叅天寧新公復古講禪宗之旨

文靖

集

釋恆秀新塗白衣庵僧庵與百華寺相近門臨流水百

丈諸峯隔江遙映康熙元年恆秀輯而新之於其旁建
準提閣恆秀素奉準提教每引范文正蘇玉局張魏公
諸人頂禮承奉之事列爲功過格以附於準提教之後
欲人興起其好善之思以無負於準提王佛其志亦可
尙矣

有竹園集

釋達字九達湖廣人新淦華光寺僧擔當禪師首座相
傳達爲武人曾列仕籍能詩有集康熙初住錫與諸文
士酬和不畜弟子一瓶一拂不以付人今戒刀尙存寺

中 東山記

讚曰清淨寂滅虛無自然諸天帝釋派衍衣傳八葉華
門三世神仙爰及苗裔莫我金川

新淦縣志卷二十六

方伎 目錄十一名

劉守貞 鄒公 何得一 沈廷瑞 聶棠
王文卿 李天和 饒自然 載陽子 黃伯淵
洪金鼎

新淦縣志卷二十六

方伎

一藝亦足以成名子云不試故藝朝夕游衍應務有餘亦安身安心之一助也若曰德成而上則日進高明者之必選擇所處也於游藝未免缺焉作方伎志

劉守真玉笥山道士善調風角天祐間揚州節度使楊行密遣將周本圖吉州與刺史彭玕戰於象牙潭玕敗走立寨新淦楓岡聞守真名召至軍中每逆戰守真以術厭之敵不能被一夕劉死玕戰不利棄寨去

江南野

鄒公新淦人寧宗時有雷擊物爲產婦所觸不能上升時鄒巫能誦解咒忽有神請曰爲誦解穢咒千遍當有以報鄒誦訖神授鞭印各一曰祈晴順印祈雨倒印用鞭畫空雨止畫處神忽不見雷升天矣鄒平生喜食鴨嘗過其女畱殺鴨爲黍時晒麥於庭天有雨勢女欲收而後饌曰雨當無損於麥須臾大雨鄒望空四向而畫獨庭無雨由是遠近人招之所禱如法用印無不立應年九十餘卒鞭印亦亡鄉人祀之玉笥山承天宮前廟

中號曰鄒公

異聞錄

何得一淦南祥符觀道士宜和間徽宗夢二道士至殿前問其姓名對曰鄭化基何得一詰且訪求弗獲以諸郡免丁籍稽之得於臨江軍道籍中皆新淦祥符觀道士化基卽得一師也基久死命郡訪致得一會西遊使者得諸郢召對稱旨命住持龍德大乙宮賜號冲妙大師補丹林郎遷右街監議時道士仕州縣者率擾民得一上言道家以清淨無事爲貴不應與州縣事請一切罷去其徒貴幸用事者誑言者攻之遂奪職歸復命赴

闕會金兵入寇不果今丹林郎誥尙書劄子郢州禮狀
皆藏觀中 舊志

沈廷瑞筠州高安人吏部郎中彬之子棄妻入道居玉
笥山雍熙二年上元日辭道侶念人生幾何賦無病而
終遺言於弟子以畫土宿一幀度人經一卷隨葬後二
年有閻皂山僧昭瑩於山門相遇云暫到廬山尋知己
畱土宿一幀及度人經一卷五言詩一首爲別昭瑩到
玉笥山話及方知沈道士已亡往墳上見土坼裂尺餘
蓋屍解也詩云南北東西路人生會不無早曾依閻皂

又却上元都雲片隨天關泉聲落石孤何期早相遇樂

共煮菖蒲 郡閣雅談

隱士聶棠建庵邑北關外清修學道冀遇真仙一日有
樵翁負薪求售隨寄破笠而云笠上遺金釵一股棠出
翁來取笠問棠何在答以他往翁遂題詩於壁云金釵
付汝供香火從今始見呂真仙棠歸異而追之見一黃
衣人冉冉天半因名望仙橋橋圯改名知政俗又呼爲

棠公橋 舊志

王文卿新淦百丈峯修煉道士宋徽宗召文卿禱雨有

應賜印敕號侍宸羽客敕有司立雷壇文卿羽化於巨石留履跡并葛仙翁着棋石春夏之交有時屋瓦震動殷殷轟轟謂之掃殿雷風雨之夕有天燈自空下墜照耀山谷久而後隱

張徹西峯記

李天和新淦人少儻任俠寄跡絲桐子嵩壽年十八善繼昭文之緒天歷二年天和命嵩壽奉書於吳澄評三操五絃之離合其於琴蓋卓業也精於其藝達於其本互相損益以庶幾乎古而非私相傳習者之所能也

草廬集

饒自然新淦人畫得馬遠筆法其啜茗圖作先生據床隱几狀長鬚赤脚奴滌身吹火之態情意可掬真名筆也朱德輝寶蓄之啜茗一觀亦何必與流俗對也宜後人景慕之至

玉屑集

載陽子鍾山元北帝觀道士也早歲出家精內修觀在治南二十里秀嶺前來似金鐘卓地麓岡後殿如玉簡朝天亦邑南一名勝也永樂乙酉山元入蜀遇旱疫蜀王遍訪高士物色得之以六月六日登壇祈禱頃刻朔雪飛空城內外悉變清涼旱疫頓蘇奉旨封雪谷戶侯

後不知所終

舊志

黃伯淵字德淵淦城西人器宇端凝說詩書敦孝友日以琴觴自逸元末羣盜作上官知其才每郡邑諸司缺屢委代署尤精醫藥因授檄為醫學官明初邑里綏定遂概絕公事足不履縣庭擇郭外東山築丹室講究醫理濬池種樹以為遊息與曾得之張美和練子寧為觴咏之遊練有挽黃德淵詩及東山小引記載金川玉屑集伴讀黃體方遺詩有讀書夜剪牕前燭挂額朝看隴上雲之句邑宰嘉其耆德每就廬咨訪治道里中爭訟者不畏刑罰而畏公知其道廣類陳大邱

舊志

洪金鼎字玉友新淦人康熙壬辰學使冀霖取補弟子員舉業之餘兼讀靈素金匱諸書家口五十餘人金鼎復清癯善病因究心醫理因症切脉因脉用方因方辨藥試輒有效摭拾古人之遺撰為歌訣名曰一盤珠取臨症便於記誦圓通無滯如彈丸脫手云

一盤珠序

讚曰書畫通神醫卜博濟牢曰子云不試故藝劉善風角鍾祈雪落盲史浮誇聊供盟噉

新淦縣志卷二十七

祥異 目錄十條

日月星辰 雷雨 風露 水旱 山川

物產 人瑞

新淦縣志卷二十八

祥異

洪範次八曰念用庶徵爲休徵爲咎徵在天成象在地成形在人與物則殊其類上自邦畿下逮郡邑皆有徵也新淦地處一隅雨暘寒燠之序昆蟲草木之生休咎各以時見用載諸篇以占物候以協民情作

祥異志

日

晉

新淦縣志

卷三十一

祥異

日

大康元年正月己丑朔五色氣貫日自卯至酉
元康九年正月日中若有飛鸛者數月乃消

宋書志

永康元年十月乙未日鬪黃霧四塞

宋書志

大和六年三月辛未白虹貫日日暈五重

義熙元年五月庚午日有采珥十一年日在東并有白虹十餘丈在南千日

宋書志

元熙二年正月壬辰日暈東西有直珥各一丈白氣貫

之交匝

宋書志

永嘉元年十一月乙亥黃黑氣掩日所照皆黃五年三

月庚申日散光如血下流所照皆赤日中若有飛鸛者

宋書志

宋

元嘉二十九年十一月己卯日始出色如血外生牙塊

疊不員

宋書志

大明七年十一月日始出四五丈色赤如血未沒四五

丈亦如之

宋書志

元徽三年三月乙亥日未沒數丈日色紫赤無色五年

三月庚寅日暈五重又重生二直一抱一背

宋書志

唐

天寶三載正月庚戌日暈五重

唐書志

大歷二年七月丙寅日傍有青赤氣長四丈餘壬申日
上有赤氣長二丈三年正月丁巳日有黃冠青赤珥辛

丑亦如之

唐書志

元和二年十月壬午日旁有黑氣如人形跪手捧盤向
日盤中氣如人頭閏三月日旁有物如日十年正月辛

卯日外有物如烏

唐書志

寶歷二年三月甲午日有黑氣如杯

唐書志

大和二年十二月癸亥有黑彗與日如鬪六年三月有
黑彗與日如鬪四月乙丑黑氣磨日十一月壬寅白虹
貫日東西際天上有背珓

唐書志

開成二年十一月辛巳日中有黑子大如雞卵日赤如
赭晝昏至於癸未五年正月己丑日暈白虹在東如玉
環貫珥二月丙辰日有重暈有赤氣夾日

唐書志

會昌四年二月己巳日虹貫日如玉環

唐書志

咸通六年正月白虹貫日中有黑氣如雞卵

唐書志

乾符二年日中若有飛鷁者六年十一月丙辰朔有兩

日並出而闕三日乃不見

唐書志

景福元年五月日色散如黃金

唐書志

光化三年冬月有虹蜺背瑤彌旬日有赤氣自東北至

於東南

唐書志

天復元年十月日色散如黃金十一月又如之

唐書志

天佑二年正月甲申日有黃白暈暈上有青赤背乙酉

亦如之暈中生虹漸東長百餘丈二月己巳有黃白暈

如半環有蒼黑雲夾日長各六尺餘既而雲變狀如人

如馬乃消

唐書志

明

天啟元年辛酉十二月十四日午時日昏其光如血

舊志

崇正五年十一月初二至初五日光相盪內黑而目不

可久視四圍半寸許如水晶動搖不寧忽躍於日上而

過

舊志

國朝

道光元年辛巳四月初一日日月合璧

新編

月

晉

義熙元年八月丁巳月犯斗第一星四年五月丁未月掩斗第二星六年三月己巳月掩斗第五星五月月掩斗第五星八月丙戌月犯斗第五星 宋書志

永嘉五年三月丙戌夜月蝕既丁酉夜又蝕 宋書志

大明三年六月月入南斗六年八月月入南斗七年七

月月入南斗魁犯第二星八年正月月入南斗魁掩第

二星二月月犯南斗第四星入魁中 宋書志

永光元年二月甲申月入南斗 宋書志

泰始二年七月甲午月犯南斗 宋書志

元徽五年正月戊申月犯南斗第五星六月乙丑月犯

南斗第四星 宋書志

昇明元年八月庚申月入南斗犯第三星十二月癸卯

月掩南斗第四星 宋書志

宋

永初元年十二月甲辰月犯南斗三年正月丁卯月犯

南斗三月壬戌月犯南斗 宋書志

乾道二年六月乙酉月入斗八月庚辰亦如之十一月

戊午月犯權星 豫章書

唐

天寶三年正月庚戌月有紅氣如垂帶

唐書志

大歷十年九月戊申月暈暈中有黑氣乍合乍散十二

月丙子月出東方上有白氣十餘道如匹練

唐書志

天復二年十二月甲申夜月有三暈裏白中赤黃外緣

唐書志

星辰

臨江禹貢揚州之域星紀斗度

清類天文分野書

新淦地於春秋屬吳當星紀之次南斗之度

參引函史

玉笥承天之雲堂成五星聚斗之歲也

劉會孟玉笥山承天宮雲堂記

漢

永和二年八月庚子熒惑犯南斗

後漢書志

魏

正元元年十一月白氣出南斗側廣數丈長竟天

晉書志

晉

永興元年九月大白入南斗

晉書志

永嘉三年鎮星久守南斗

豫章書

大元十九年十二月癸丑大白犯歲星在斗

宋書志

宋

孝建二年五月乙未熒惑入南斗十月甲辰又入南斗

宋書志

大明三年九月大白犯南斗 宋書志

泰始六年八月壬辰熒惑犯南斗 宋書志

元徽三年大白犯南斗第三星 宋書志

梁

天監元年八月壬寅熒惑守南斗 隋書志

大同五年十月辛丑彗出南斗長一尺餘東南指漸長

一丈餘 隋書志

陳

天嘉四年九月癸未大白入南斗 隋書志

唐

乾符六年歲星入南斗魁中 省志

光化三年十月太白鎮星合於南斗 豫章書

天祐二年夏四月庚子有星類大白上有光似彗長三

四丈色如赭辛丑色如縞或曰五車之水星也 豫章書

宋

乾道元年十二月庚子五緯與填星合於南斗四年二月壬子六月辛丑八月己亥六年五月乙亥十月庚申八年十月癸卯五星皆見 宋史

乾德五年三月五星聯珠 宋史

慶歷三年十一月壬辰五星皆見東方 宋史

開寶四年八月癸卯景星見 宋史

開寶八年彗出五車色白長五尺 十國春秋

咸熙五年五月有星孛於南斗 省志

元

至元二十五年秋九月庚子熒惑犯南斗 省志

至正十一年七月己未大陰犯斗宿東第三星十月辛

巳大陰犯斗宿距星乙酉大白犯斗宿第二星十七年

七月甲申大陰入斗宿距星閏九月丙午大陰犯斗宿

南第三星 豫章書

明

宣德六年熒惑犯南斗 省志

正德十三年夏六月有星自東南飛來其光燭天有聲

嘉靖十三年夏六月熒惑犯南斗 省志

萬歷三年九月四日有星曳於西南色赤如火少頃沒
晦日彗見西方形如白雲勢若拖練根五丈餘闊三丈
餘長十丈由尾歷箕越斗度牛至十一月二十九日乃
止 省志

國朝

道光元年辛巳四月初一日五星聯珠

新編

雷雨

唐

天祐七年庚午夏有聲如雷光彩五色闊十丈遠近皆

見 錄異記

宋

寧宗時有雷擊物為產婦所觸不能上昇邑巫鄒公誦

解穢咒遂昇雷以印鞭謝之水旱所禱輒應

異聞錄

百丈峯俗呼西雷每春夏之交雷神時出掃盪至則屋
瓦搖動夜有天燈自半空下臨祠宇輝映山谷風雨不
能掩久而後沒 張徹百丈峯記

淳化元年六月大雨江漲丈三尺壞民廬舍

豫章書

隆興八年五月大雨河水暴出漂民廬壞城郭潰田害

稼 宋史志

明

朱秉器病面瘡晝寢忽夢中若有人云東海使者覺頗怪之是日午大風雨從東北來書樓屋瓦飛如秋葉下庭砌舍中竹柵俱吹去有僕安焚香堂上聞堂中似有物墜地者其聲甚大回視之祇黑氣從地起上左樓屋角入雨中不復可辨皆謂雷也或即東海之使耶神理冥冥又有若預告之者殆不可曉 河上楮談

先儒釋蟬螻詩謂日與雨交倏然成質乃天地之淫氣也然河上之虹起自深淵薄於岩洞若有知者考諸記所言若飲薛願之釜入子良之宅劉義慶廣陵之粥振戶有聲韋南康郡庭之筵若驢為首或見蝦蟆赤鵠或化女子丈夫要之物理茫昧不可一端測也 汾上續談

成化二十一年霪雨水漲四郊一壑 豫章書

嘉靖四十三年六月大雨十日諸苗死 舊志

萬曆四十四年丙辰春夏霪雨 舊志

崇禎十二年己卯霪雨三月十五年季春霪雨 舊志

崇禎十四年十月二十一日大雷震 舊志

國朝

康熙四年震雷暴風拔民墻屋 舊志

風露

甘露甘而色微紅有雀餉則色白稍濁味雖甘而澁雀
錫為異甘露為瑞 河上楮談

宋

元嘉十三年二月丁卯甘露降上明巴山 宋書志

明

嘉靖三十九年三月雨雹大如卵屋瓦俱碎 舊志

天啟七年丁卯清明夜大雹如粟 舊志

崇禎元年戊辰三月十七日狂風巨雹如拳拔樹破屋

八年三月十四日大風雹拔木十四年十月二十一日

雨雹如拳如磚晚稻麥俱無登 舊志

崇禎十四年辛巳元旦樹木凝冰折圯十七年秋雨黃

沙望之若霧印 舊志

國朝

康熙四年六月風雹拔建興寺 舊志

水

宋

大中祥符三年六月江水泛溢害民田 豫章書

淳熙十五年六月水圯民廬紹熙三年七月乙酉水圯

民廬 宋史志

明

成化九年水 知府陳浩甲詳奏 十四年水 知府薛世暄申詳奏免稅

糧十分 免說糧十分之四 二十一年大水 巡按御史劉蕭奏免稅糧十分之七 舊志

宏治十五年五月大水壞民田廬 巡按御史唐龍奏免稅糧十分之五

月大水歲饑十六年大水歲大饑 舊志

嘉靖六年水 巡按都御史梁材巡按御史 十二年水 巡撫

都御史王延巡按御史李 潘壯會奏免稅糧十分之五 十四年大水 平地水高丈餘四野為壑壞民

循義會奏免稅糧十分之五 廬舍淤塞田畝渰死人民甚眾巡撫都御史 秦鐵巡按御史王會奏免稅糧十分之二 十九年大

水 巡撫都御史王奏 二十四年大水無麥苗 升米百錢村市競捨

為亂巡撫都御史虞守愚巡撫都御 史魏謙吉會奏免稅糧十分之七 三十五年四月大

水 舊志

萬歷十四年丙戌大水二十四年丙申大水丁酉復大

水四十四年丙辰五月初二平地水湧衝墻拔屋蔽江

而下 舊志

崇禎十二年己卯大水灌城三次十四年夏大水舊志

國朝

順治四年春大水斗米千文貧民採蕨為食七年春水九年大水舊志

十年癸巳大水十八年辛丑大水撫院張朝璘題免稅糧十分之三完者流

抵下年府志

康熙元年大水六年丁未四月大水漂沒田廬溺死人甚眾撫院董衛

國題免稅糧十分之三完者流抵下年四十五年丙戌夏大水賑之省志

雍正四年丙午秋禾水災蠲免被災糧銀省志

乾隆甲申年大水乙酉年大水新編

旱

宋

乾道七年夏秋旱首種不入冬不雨八年大旱九年久

旱無麥苗淳熙九年七月旱十四年夏五月旱舊志

元

泰定元年五月饑至元三年饑豫章書

明

宣德九年旱巡按御史程奏免稅糧十分之五舊志

成化三年旱巡按御史趙奏免稅糧十分之五舊志

宏治十一年早 巡撫都御史金澤巡按御史陳銓會奏免稅糧十分之五舊志

正德元年大旱 巡按御史臧鳳奏免稅糧十分之五 二年早 巡按御史臧鳳奏免稅糧十分之五

八年早 巡按御史任漢奏免稅糧十分之五 十一年旱 分守參政陳洪謨奏免稅糧十分之五

嘉靖二年早 巡撫都御史盛應期奏免稅糧十分之五 五年大旱 巡撫都御史陳洪謨

巡按御史徐岱會奏 巡撫都御史高公韶巡按御史秦武會奏免稅糧十分之五 十一年早 巡撫都御史李

十三年早 巡撫都御史王延巡按御史李 十五年 巡撫都御史胡

年大旱 巡撫都御史秦巡按御史陳 十七年早 巡撫都御史胡

奏免稅糧 里多 二十年夏旱 逃移 二十三年五月大旱四十

四年秋旱饑 升米百錢舊志

隆慶二年大旱禾苗盡枯粒米無收民多流移知府馬

文學勸借賑濟民賴以蘇十六年戊子大饑十七年己

丑旱赤地千里民採野蕨克饑申請賑恤減稅十八年

庚寅旱三十一年癸卯大旱 舊志

崇禎六年三月末旬旱至九月十三日方雨十六年癸

未旱 舊志

國朝

順治三年丙戌大旱 斗米千文民食糠粃棉仁野草等物餓莩載道白骨如山有合家餓

祥異 早 十四

死無一存者有屠耕牛克饑而脹死者有遲至次年秋成暴得食而飽死者此數百年僅見之奇荒也舊志

十六年己亥旱巡撫部院張朝璘題免稅糧十分之三 府志

康熙元年大旱二年大旱三年大旱守憲施俱申請減賦之三四年

大旱申請減賦之二八年己酉旱撫院董題免稅糧十分之二完者流抵下年九年

庚戌秋旱撫院董題準續荒外免稅糧十分十年辛亥

秋旱撫院董題免稅糧十分之三完者流抵下年 舊志

嘉慶二十一年乙亥十二月南門大火燔屋舍百餘間

新編

道光二年壬午六月南門大火燔屋舍百餘間新編

山川

道光三年癸未十一月南門大火燔屋舍四十餘間新編

蕭峽之東山川清華漢武梅福郭季倫彭真逸袁景立

杜雲永蕭子雲之遺跡在焉又有大白覆箱芙蓉赤松

金柱雲臺瑞蓮紫虛之峯大秀郁木之洞白蓮金井流

杯碧玉之泉金英碧茸水晶月華芝草之祥解文毅集

邑百華寺讀書臺下有洗墨池為陶桓公故蹟往歲邑

當占魁選池水輒黑先達劉公麟占禮魁是歲水黑甲

午黑戊午又黑朱瓚朱孟震父子應之參引河上楮談

明

嘉靖辛酉流寇逼城鄉民駢集水泉幾枯

舊志

萬歷三年冬地震三十二年十二月初九夜地震

舊志

白羊嶺有李王廟嶺麓有橋橫亘一木過者以繩絡之

火即灼可以燃薪

府志

物產

秦時溫媪漁於程溪得巨卵藏於家生七龍放之江媪日候江次龍輒薦魚於媪始皇帝聞之召媪媪行中流

龍挾舟而還

揭傒斯龍母廟記

晉

元興三年六月丙申白雀見豫章新淦獲以獻

宋書志

陶侃母湛氏新淦人侃幼依母居外家嘗釣得一梭懸

於壁一日雷電起梭化爲龍去

晉書

太元十四年桐木連理生豫章新淦陸地生蓮大守范

甯表聞

藝文類聚

宋

乾道九年秋螟起

宋史志

大中祥符九年秋螟起

宋史志

明

邑劉玄倩父朝紳以正德甲戌正月甲寅夜夢有鶴翥於庭遂生玄倩名之曰成穆別名以嘉壽字曰文孫志先夢也

浣水續談

劉玄倩成穆其先世新淦人以大姓商崇慶夢吞五色石三占之曰石之言世也五色備乎文矣三世之後其以文名乎

浣水續談

嘉靖辛卯柱史熊雲夢宗憲張南溟檄有司以嘉禾賦試士淦人劉成穆日未中已就讀之蔚然

浣水續談

嘉靖間山蛟出壞通遠橋

吳潮通遠橋記

萬歷三十二年甲辰夏叢竹結米盡死

舊志

萬歷乙巳春夏江西大歉米石銀一兩餘山中民無食採薇蕨已盡乃掘白土爲餅餌食之土色微類粉而膩富家屑米糝土裹肉爲饅首味亦佳然不可久食土民食久者氣塞不通往往致斃又予家厚湖上菱葉最茂貧民競採食之富家取以爲蔬滑而細亦可啖先大夫午日詩云聞說土饅克蕨粉且便瓜豆對蒲觴蓋紀實也白土相傳卽白石脂云

河上楮談

崇禎十六年四月疾風暴雨蛟出山裂發屋折木平地水深丈餘

舊志

崇禎元年九月自重陽後酷熱下旬尤甚二十九日午暘不可言是夜無風自寒明日魚浮蔽江盡凍僵者

雨

裨新渥

戲魚堂劉次庄謫居處池有文魚聚之盆則相鬪不已

土人言春夏間有之予未及試也

有竹園集

邑東四十里有樹葉皆半缺相傳五代時有商婦日至

樹側望夫以

手搯樹半葉墮地久之不歸化為石因名望夫石其樹至今皆半葉

府志

國朝

乾隆癸亥大饑民間爭掘白土作餵以食稱之仙粉

人瑞

明

城東于彥忠荆南刺史伯珍孫也壽逾百歲有司以聞

敕賜粟帛建坊旌之

舊志

彭質彥新淦人生平倜儻不羣好觀傳記書史嘉靖癸丑伏日途遇異叟揖畢乘風行空六七里至地無傷崇禎中年逾百歲郡邑官以賓禮延致之屆期雨雪彭麗

新治縣志 卷三十一
府志
耆就坐不假筇力焉

國朝

嘉慶三年六月十四日城南歐陽秀文之妻聶氏一產三男邑令趙增申詳各憲奏聞給予米五石布十疋城南耆民龍大生之妻監生龍學峻之母黃氏年八十四親見五世同堂子四孫十八曾孫二十四元孫六皆以孝友稱嘉慶十四年邑令壽星保申詳各憲咨部請旌表賞銀十兩絹一疋錫以扁額曰耆壽延慶遠近交相傳聞

道光四年閏七月城內陳君拔之妻鄧氏現年八十四歲子監生陳以義孫二生員瀾曾孫五次學亨亨子熙瑞五世一堂康強衍慶署縣何批准申詳入誌

附乾隆癸丑安國鄉廖宗全之妻蕭氏一百一歲子二任柏任梅孫九曾孫九
以上俱據冊新編

計其地畝計夫身年以

賦役均等其地畝計夫身年以

賦役均等其地畝計夫身年以

賦役均等其地畝計夫身年以

賦役均等其地畝計夫身年以

